

# 不空罽索神咒心经

唐三藏法师玄奘译



南無本師釋迦牟尼佛

## 说明

本简体校正版《不空羼索神咒心经》电子书，根据《乾隆大藏经》大乘五大部外重译经，第 0312 部，唐三藏法师玄奘译《不空羼索神咒心经》原藏影印本校正，句读仅供参考。

本电子书是免费结缘品。特此说明。

仁慧草堂

二〇一八年十二月



扫码关注仁慧草堂微信公众号



## ●起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南无香云盖菩萨摩诃萨 (合掌三称)

### 净口业真言

(三遍)

唵. 修唎修唎. 摩诃修唎. 修修唎. 萨婆诃.

### 净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

### 安土地真言

(三遍)

南無三满哆. 母驮喃. 唵度嚧度嚧. 地尾. 娑婆诃.

## 普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

## 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 不空羼索神咒心经

唐三藏法师玄奘译<sup>1</sup>

如是我闻：

一时，薄伽梵在布怛洛迦山观自在宫殿。其中多有宝娑罗树、耽摩罗树、瞻博迦树、阿输迦树、极解脱树；复有无量诸杂宝树，周匝庄严，香华软草，处处皆有；复有无量宝泉池沼，八功德水弥漫其中，众华映饰，甚可爱乐；复有无边异类禽兽，形容殊妙，皆具慈心，出种种声，恒如作乐。与大苾刍众八千人俱，九十九俱胝那庾多百千菩萨摩訶萨，无量百千净居天众、自在天众、大自在天众、大梵天王及余天众无量百千，前后围绕，听佛说法。

尔时，会中有一菩萨摩訶萨，名观自在，从坐而起，整理衣服，偏袒一肩，右膝著地，合掌向佛，面目熙怡，开颜含笑，而白佛言：“我有神咒心，名不空羼索。我于往昔第九十一劫，时有世界，名殊胜观，其中有佛，名世主王如来、应、正等觉、明行圆满、善逝、世间解、无上丈夫、调御士、天人师、佛、薄伽梵，彼佛世尊怜

<sup>1</sup> 大正藏：唐三藏法师玄奘奉 诏译



愍我故，为我说此大神咒心。时我受持威神力故，常为无量净居天众、自在天众、大自在天众、大梵天王及余天众无量百千，恭敬供养，尊重赞叹，我皆化彼<sup>2</sup>，令趣无上正等菩提。我依如是功德力故，便获十亿不空妙智上首庄严大三摩地，由斯定力，现见十方无量无数诸佛世界一切如来及诸众会，皆往供养，听闻正法，展转教化无量有情，皆令发心趣无上觉，故此咒力不可思议，能救众生无量苦难，诸有智者皆应受持。世尊！若他方所有此咒心，当知是处有自在天、大自在天、梵天王等而为上首，与十二亿诸天神众，常共守护，恭敬供养，如佛制多，不令暴恶诸鬼神等游止其中。世尊！随何国邑，流行如是不空羼索神咒心经，当知此中诸有情类，已于无量俱胝那庾多百千诸佛所，种诸善根，乘大愿力而来至此。

“世尊！若有众生，造诸重罪，习行恶法，毁辱贤圣，诽谤正法，当堕无间大地狱中，经无数劫，受诸剧苦，诸佛、菩萨、独觉、声闻虽具神通，而不能救，彼若闻此神咒心经，能生悔愧，终不更造，若彼复能经一日夜，受持斋戒，诵此咒心，所作罪业，现世轻受，不复当堕无间地狱。

<sup>2</sup> 大正藏：彼；永乐北藏及龙藏：被；校勘：彼

云何证知彼现轻受，不堕地狱？谓若忽遭寒热等病，或经一日，或经二日，或复乃至经于七日，或患眼痛、耳痛、鼻痛、齿疼<sup>3</sup>、牙痛、唇痛、舌痛，或断腭痛，或心胸痛，或腹膺痛，或腰脊痛，或胁腋痛，或阴臄痛，或髀膝痛，或支节痛，或手足痛，或头面痛，或咽项痛，或肩膊痛。或遭风病、气病、痔病、痢病、痲病，或遭癩<sup>4</sup>癖、白癩、重癩及诸疥癖，或得疮疮、甘疮、华疮、漏疮、毒疮，或遇拥肿、游肿、疔肿<sup>5</sup>、疔肿、毒肿，或患颠<sup>6</sup>癇，或患甘湿，或被鬼魅，或被厌<sup>7</sup>禱，或被咒诅<sup>8</sup>，或被毒药，或被囚系，或被枷锁，或被打骂，或被诽谤，或被谋害，或被恐怖，或复遭余种种增减不饶益事，以要言之，所有逼切、身心苦恼及见恶梦，由此证知彼现轻受，不复当堕无间地狱，所造罪业悉得消除。如是众生，由斯咒力尚现轻受，重罪消除；况余有情，身心清净，闻持此咒，而不获福？先世罪业亦得消除，现在、未来常受快乐。

“世尊！若有四众或四姓等，设以谄曲诳诈

<sup>3</sup> 大正藏：痛

<sup>4</sup> 大正藏：恋

<sup>5</sup> 大正藏：肿肿：永乐北藏及龙藏：肿

<sup>6</sup> 大正藏：癩

<sup>7</sup> 大正藏：魇

<sup>8</sup> 大正藏：咀



心故，听闻如是神咒心经，受持读诵，书写供养，为他赞说，教令听受，乃至自往畜生耳边，殷懃念诵，令彼得闻，复审思惟此咒章句，不毁谤故，不取相故，无分别故，无等起故，不迟行故，无为作故，离染污故，平等心故，无增减故，离五蕴故，由此方便，于诸佛所复修随念，彼由如是功德力故，于十方面各有千<sup>9</sup>佛，来现其前，教令悔除先所作罪，所有祈愿皆令满足。若有不能如上所说，乃至书此神咒心经，置于舍中，礼拜供养，亦得无量无边功德。世尊！若有众生，为胜他故，或怖主故，怖怨讎故，怖恶兽故，怖危难故，或随他故，或求高贵多财宝故，听闻如是神咒心经，虽复听闻而不恭敬，或复诽谤、轻贱、毁訾，智者应知非其自力，是观自在威神力故令彼耳闻，为令彼得现在、未来利乐事故。世尊！譬如有人，采沈取麝，或复梅檀、龙脑香等，种种诽谤、轻贱、毁訾<sup>10</sup>，而复捣磨用涂身体，然沈麝等不作是念，彼凌懣<sup>11</sup>我不与其香，而性自然恒作香事。此神咒心亦复如是，虽有诽谤、轻贱、毁訾，或如上说以谄诳心，书写受持，恭敬

<sup>9</sup> 大正藏：十

<sup>10</sup> 大正藏：訾

<sup>11</sup> 大正藏：陵蔑；永乐北藏及龙藏：凌懣



供养，而亦作彼善根因缘，令彼当来随所生处，具戒、定、慧功德妙香，亦能为他作斯香事，故此神咒威德难思，信谤俱能作饶益事。

“世尊！若善男子，或善女人，及苾刍、苾刍尼、邬波索迦、邬波斯迦，或余人辈，白月八日，受持斋戒，专心诵此大神咒心，乃至七遍，不杂异语，当知是人现世定得二十胜利。云何二十？一者，身无众病，安隐快乐。二者，由先业力，虽有病生，而速除愈。三者，身体细软，皮肤光泽，面目鲜明。四者，众人爱敬。五者，密护诸根。六者，多获财宝，随意受用。七者，所得财宝，王、贼、水、火不能侵损。八者，所作事业皆善成办。九者，所有种植不畏恶龙、霜雹、风雨。十者，若有稼穡，灾横所侵，以此咒心咒灰、或水，经七遍已，于其田中，八方结界，上下散洒，灾横尔时，皆即除灭。十一者，不为一切暴恶鬼神、罗刹斯等，吸夺精气。十二者，一切有情，见闻欢喜，爱乐尊重，常无厌足。十三者，常不怖畏一切怨讎。十四者，设有怨讎，速自消灭。十五者，人、非人等不能侵害。十六者，厌魅、咒诅、蛊道不著。十七者，烦恼缠垢不数现行。十八者，刀毒水火不能伤害。十九者，诸

天善神常随卫护。二十者，生生不离慈悲喜舍。彼得如是二十胜利。复获八法，何等为八？一者，临命终时，见观自在菩萨作苾刍像来现其前，欢喜慰喻。二者，安隐命终，无诸苦痛。三者，将舍命时，眼不反戴，口无欠呿，手绝纷扰，足离舒卷，不泄便秘，无颠坠床。四者，将舍命时，住正忆念，意无乱想。五者，当命终时，不覆面死。六者，将舍命时，得无尽辩。七者，既舍命已，随愿往生诸佛净国。八者，常与善友不相舍离。

“世尊！若善男子、善女人等，能断酒肉及诸荤<sup>12</sup>辛，不食残秽，身常清洁，日日三时转诵如是不空羼索神咒心经，彼胜功德昼夜增长。若能于法舍慳吝心，无<sup>13</sup>嫉妬意，专为利乐一切有情，观诸众心<sup>14</sup>有力无力，如应为说此神咒经，当知是辈，速证无上正等菩提，堕诸菩萨摩訶萨数，是则名为菩提萨埵。言菩提者，所谓般若；言萨埵者，即是方便。如是二法，于诸有情能作一切利益安乐。

“世尊！我今为欲利益安乐四部众故，及为

<sup>12</sup> 大正藏：熏

<sup>13</sup> 大正藏：离

<sup>14</sup> 大正藏：生



除灭诸恶有情所造罪故，于如来前说此神咒，惟愿世尊哀愍听许。”

尔时，世尊告观自在菩萨摩訶萨言：“大众清静，知时应说，我亦随喜。此神咒心是当来世菩萨父母，令诸菩萨所作事业，速得成办，亦令一切所怖畏事，疾得除灭。”

尔时，观自在菩萨摩訶萨蒙佛听许，欢喜踊跃，瞻仰尊颜，目不暂舍，合掌恭敬，而白佛言：“此神咒心是诸菩萨所应尊重、恭敬、供养，为最解脱圆满法门，作诸众生利益安乐。诸欲受持此咒心者，应先敬礼过去、未来、现在诸佛及诸菩萨、独觉、声闻，复应敬礼正至正行，复应敬礼舍利子等诸大声闻，复应敬礼圣慈氏等诸大菩萨，复应敬礼无量光佛，复应敬礼佛、法、僧宝，复应敬礼圣观自在菩萨摩訶萨具大悲者。既敬礼已，复应念言：‘此神咒心，名不空羼索，是观自在菩萨于如来前，在大众中，亲自演说。我今读诵，令我一切所作事业速得成办，令我一切所怖畏事疾得除灭。’作是念已，即<sup>15</sup>读诵言：

‘怛经<sup>16</sup>他 暗 折洛折洛 止履止履 主

<sup>15</sup> 大正藏：应

<sup>16</sup> 大正藏：侄

鲁主鲁

‘稽首具大悲者。

‘萨洛萨洛 死履死履 止履止履 鼻履

鼻履

‘稽首大莲华手。

‘羯逻羯逻 吉利吉利 屈路屈路

‘稽首大净有情。

‘渤经<sup>17</sup> 渤经<sup>18</sup> 柁<sup>19</sup> 婆柁<sup>20</sup> 婆 紧尼紧尼

‘稽首极净有情。

‘羯洛羯洛 枳利枳利 矩鲁矩鲁

‘稽首得大势者。

‘折逻折逻 珊折逻珊折逻 毗折逻毗折

逻 盪嘶吒盪嘶吒 跋洛跋洛 鼻利鼻利 部

鲁部鲁 盪<sup>21</sup> 呬<sup>22</sup> 呬

‘稽首大悲大兽王相。

‘达洛达洛 萨洛萨洛 折洛折洛 钵洛

钵洛 喝洛喝洛 呵呵呬呬 呼呼 翯迦洛

‘稽首大梵王相。

<sup>17</sup> 大正藏：缚

<sup>18</sup> 大正藏：缚

<sup>19</sup> 大正藏：柁

<sup>20</sup> 大正藏：柁

<sup>21</sup> 大正藏：翯

<sup>22</sup> 大正藏：翯



‘达洛达洛 地利<sup>23</sup>地利<sup>24</sup> 杜鲁杜鲁 怛  
洛怛洛 萨洛萨洛 钵洛钵洛 筏洛筏洛

‘稽首百千光庄严身。

‘什筏逻什筏逻 答播答播 薄伽梵

‘稽首日月、琰摩、筏鲁拏、炬罗<sup>25</sup>、释梵，  
与财等天仙众所供养之。

‘沫洛沫洛 弭履弭履 母鲁母鲁 窞鲁  
窞鲁 主鲁主鲁

‘稽首萨捺童子、鲁达罗、衣毗瑟怒、达捺  
陀、仙那药迦、毗那药迦众多形相。

‘达洛达洛 地履地履 杜鲁杜鲁 闷洛  
闷洛 揭洛揭洛 钵洛钵洛 拙<sup>26</sup>洛拙<sup>27</sup>洛 刺  
洛刺洛 喝洛喝洛 沫洛沫洛 筏洛筏洛

‘稽首与愿普观. 胜观世自在. 大自在。

‘母呼母呼 母鲁母鲁 母耶母耶 闷遮  
闷遮 洛叉洛叉

‘稽首能令我及一切有情<sup>28</sup>，解脱一切怖畏，  
解脱一切厌蛊，解脱一切灾横，解脱一切疾病，  
解脱一切邪魅魍魉，解脱一切怨家杀缚恐喝捶打，

<sup>23</sup> 大正藏：唎

<sup>24</sup> 大正藏：唎

<sup>25</sup> 大正藏：炬吠罗；永乐北藏及龙藏：炬罗

<sup>26</sup> 大正藏：杜

<sup>27</sup> 大正藏：杜

<sup>28</sup> 大正藏：一切有情；永乐北藏及龙藏地：有情

解脱一切王难贼难，解脱一切水火风难，解脱一切刀毒等难者。

‘羯拏羯拏 紧尼紧尼 屈扭屈扭 折洛折洛

‘稽首能开示一切根、力、觉支、道支、四圣谛者。

答摩答摩 飒摩飒摩 沫娑沫娑

‘稽首能除诸大黑暗，生长满足六波罗蜜多者。

‘弭履弭履 吒吒吒吒 诃诃诃诃<sup>29</sup> 置置置置 澍澍澍澍

‘稽首被服鬘泥耶皮，具大慈悲，自在，大自在，能破一切恶鬼神者，速来速来救护我等。

‘矩<sup>30</sup> 卢矩<sup>31</sup> 卢 钵洛钵洛 萨洛萨洛 羯洛羯洛 羯吒羯吒 沫吒沫吒

‘稽首住净土具大悲者，身佩白吉祥缕，颈带众宝瓔珞，首冠华鬘宝冠，于宝冠中当于顶上有一切智像，手执希有大宝莲华，于诸静虑等持解脱众妙功德，皆不倾动，善能成熟一切有情，具大慈悲，能除一切业障，能救一切病苦，普能

<sup>29</sup> 大正藏：訖訖訖訖；永乐北藏及龙藏：炬罗

<sup>30</sup> 大正藏：炬

<sup>31</sup> 大正藏：炬



安慰一切有情。

‘暗頡利怛赖路迦毗阇耶 唵暮伽播奢  
頡利达耶 唵钵刺底喝多 罽沛莎诃 纳莫<sup>32</sup>阿  
慕<sup>33</sup>伽耶莎诃 纳莫阿氏多耶莎诃 纳莫阿钵罗  
氏<sup>34</sup>多耶莎诃 纳慕筏洛钵刺柁耶莎诃 纳莫<sup>35</sup>  
萨婆羯磨悉达曳莎诃 罽杜<sup>36</sup>耶 戛莎诃’

“此神咒心诵必有验，能受持者所欲皆成，  
诸有日日三时各诵一百八遍，五无间罪定得除灭，  
一切业障无不清净。欲念诵时，应先结界。其结  
界法，取灰、或水、或白芥子、或担山楸，咒七  
遍已，遗<sup>37</sup>钉四方。烧沈水香，至心念诵。诸患  
寒热及疟病者，应咒结缕二十一遍，系颈或臂即  
得除愈。诸有病者，咒<sup>38</sup>酥、或油，或复咒水二  
十一遍，与之令服，即得除愈。诸欲解他厌祷咒  
诅，取泥、或面、或蜜蜡<sup>39</sup>等，作彼形像，口诵  
此咒，手执刚刀，深慈愍彼而断截之，复以咒缕，  
系被<sup>40</sup>厌身，令诸怖畏即得除愈。诸患腹痛，应  
咒咸水，与之令服，即得除愈。诸遭蛊毒、或蛇

<sup>32</sup> 大正藏：幕

<sup>33</sup> 大正藏：幕

<sup>34</sup> 大正藏：底

<sup>35</sup> 大正藏：幕

<sup>36</sup> 大正藏：社

<sup>37</sup> 大正藏：遣

<sup>38</sup> 大正藏：或

<sup>39</sup> 大正藏：腊

<sup>40</sup> 大正藏：彼

蝎等之所蛆螫，咒水令饮，咒泥涂之，即得除愈。诸患眼痛，应咒白缕，系其耳上，即得除愈。诸有牙齿患疼痛者，应咒羯罗鼻罗木，二十一遍已，而嚼揩之，即得除愈。诸怖畏处，应当结界，而住其中。其结界法，咒五色缕二十一遍，缠担山橛钉著四隅，即得无畏。诸欲自护，应以咒缕，带之于体；或咒水、灰，洒散身上。诸有鬼神魅著身者，咒五色缕，常用带之，即便舍离。诸患一切疮肿等病，取葶苈<sup>41</sup>末和蜜而咒二十一遍，用涂其上，即得除愈。诸患眼者，应咒香水、或甘草水、钵逻奢水二十一遍，而用洗之，即得除愈。诸患耳鼻，应咒煎油二十一遍，滂耳鼻中，即得除愈。诸有斗竞、怨讎、诬枉种种官事之所逼恼，应咒净水二十一遍，洗面洒身，即得和解。诸有国土、王都、城邑灾难起时，应结道场，牛粪涂地，香汤遍洒，于场四角，各置一瓶，于其瓶中，置华及水，以新净草，敷布场中，用美果食陈列其上，作面灯盏，香油净炷然置四隅，以众名华遍散场内，烧上妙香而为供养。其诵咒者，香汤沐浴，著新净衣，坐鲜洁座，端身正念，诵此咒心。主若至诚，灾难便息。诸有疾疫、妖祟

<sup>41</sup> 大正藏：拔



等处，咒瓶中水洒处及身，一切灾患皆悉除灭。若被厌<sup>42</sup>魅，以瓶中水磨梅檀香，咒三七遍，用涂心上，厌<sup>43</sup>魅便息。若常念诵此神咒心，四重、五逆、谤法等障，咸得除灭。欲护国宅，使无灾危<sup>44</sup>，应取莲华一百八枚，各咒一遍，投火坛内，供养贤圣，灾危<sup>45</sup>并息，国宅安隐。若欲令他慈心，于己不生嫌疾<sup>46</sup>，应取梅檀一百八枚，并长二寸，各咒一遍，投火坛内<sup>47</sup>，供养贤圣，能令彼人，愍己无恨。若恐疾疫鬼魅著身，应取社耶药、毗社耶药、那矩梨药、健陀那矩梨药、婆刺尼药、唵跋耶波尼药、因达罗波尼药、健陀毕利样瞿药、颯揭蓝药、斫訖罗药、莫诃斫訖罗药、毗瑟怒訖烂多药、素摩罗时药、苏难陀药、暗<sup>48</sup>延底药、白檀香药、舍利摩药、舍利婆药、喝悉底婆刺尼药、喝丽怒<sup>49</sup>迦药、健陀颯揭蓝药、金刚药、黑蓝药、筏逻呵訖烂多药，如是诸药，细捣绢筛，水和为丸，形如大枣，咒百八遍，置于顶上，或系两臂，疾疫鬼魅皆不著身。若有小儿，

<sup>42</sup> 大正藏：魘

<sup>43</sup> 大正藏：魘

<sup>44</sup> 大正藏：厄

<sup>45</sup> 大正藏：厄

<sup>46</sup> 大正藏：嫉

<sup>47</sup> 大正藏：中

<sup>48</sup> 大正藏：闇

<sup>49</sup> 大正藏：怒

邪气魑魅所惊怖者，咒此药丸一百八遍，系于咽<sup>50</sup>下，便不惊怖。若有女人，薄福所致，人皆憎厌，咒此药丸一百八遍，和水澡浴，恶相皆除，众人爱敬，身秽恶病亦得除愈。诸有妇人，求生男者，咒此药丸一百八遍，系其身上；或和水浴，便得生男。若咒药丸，系在身上，刀毒、水火、恶兽、怨家、厌<sup>51</sup>魅、蛊道，一切灾横，皆不为害。若患疮肿，咒此药丸一百八遍，和水涂之，便得除愈。若遇恶风、暴雨、灾雹，咒清净水二十一遍，散洒四方；或咒羯罗毗罗木枝二十一遍，口仍诵咒，向四方搗，风等便止。

“此观自在大神咒心，虽不受持，但依前法，诵必有验。若能受持，所作事业，无不成办。欲受持者，以新白氎，应长一丈而阔五尺，总一段成，勿断经缕，画作佛像。所用彩<sup>52</sup>色，应和香胶，自外诸胶咸不得用。佛像右边，应复画作观自在菩萨，似大自在天，顶有螽髻，首冠华冠，鬘<sup>53</sup>泥耶皮被左肩上，自余身分，璎珞、环钏而为庄严。画师应须澡浴香洁，著新净衣，离杂秽食，专精斋戒，净处画之。应以此像置清净处，

<sup>50</sup> 大正藏：咽

<sup>51</sup> 大正藏：魇

<sup>52</sup> 大正藏：彩

<sup>53</sup> 大正藏：鬘



于其像前牛粪涂地，纵广丈六<sup>54</sup>，四方齐正，于其坛内纯散白华，以八净瓶，各受一升盛华香水，安置八方。复于八方敷八草座，一一座上置一分食，于八座边，一一各置八分之食。其所供食，尽世香美皆得用之，唯除荤<sup>55</sup>辛、血肉、酒等诸杂秽物。复烧沈香，至诚供养。受持咒者，先当三日三夜断食，如其不能，但一日夜<sup>56</sup>。于日日中，三时澡浴。若大小便，别更澡浴。著新净衣，食三白食，所谓奶酪及白粳米。食讫，澡漱，往佛像前。烧沈水香，至诚顶礼。专心诵此大神咒心满八千遍。尔时，行者自见其身，遍放光明，犹如火焰。见是事已，欢喜踊跃。时，观自在便现其前，随所愿求，皆令满足。若欲自隐，应咒雌黄、或安缮那满八千遍，研以涂眼。若欲乘空，应用涂足。由斯咒力，证不空智而为上首，庄严等持，既获此定，凡作事业无不成办。”

尔时，世尊赞观自在菩萨摩訶萨言：“善哉！善哉！汝今<sup>57</sup>怜愍一切有情，说此神咒，欲令皆得利益安乐，我深随喜。”

时，薄伽梵说是语已，观自在菩萨摩訶萨、

<sup>54</sup> 大正藏：九

<sup>55</sup> 大正藏：熏

<sup>56</sup> 大正藏：一日一夜；永乐北藏及龙藏：一日夜

<sup>57</sup> 大正藏：能

净居天众、自在天众、大自在天众、大梵天王及  
余天众、声闻、菩萨，皆大欢喜，信受奉行。

不空羅索神咒心经



## ● 结诵仪

### 补阙真言

(三遍)

南无喝啰怛那. 哆罗夜耶. 佉啰佉啰. 俱住俱住.  
摩啰摩啰. 虎啰. 吽. 贺贺. 苏怛拿. 吽. 泼抹拿. 娑  
婆诃.

### 补阙圆满真言

(三遍)

唵. 呼嚧呼嚧. 社曳穆契. 莎诃.

### 普回向真言

(三遍)

唵. 娑麼啰. 娑麼啰. 弭麼曩. 萨嚩诃. 摩诃斫迦啰  
嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观自在菩萨摩诃萨 (合掌三称)

南無护法诸天菩萨 (合掌三称)

## 礼观音文

(一遍)

清净三业，一心五体投地，归依南无十方慈父广大灵感观世音菩萨。

我闻菩萨，从闻思修，入三摩地，得二随顺，四不思議，十四无畏，十九说法，七难二求，三十二应，无量功德，兴大威力，发大誓愿，同流九界，六道四生，生死趣中，兴百千万亿无量恒河沙劫数，善行方便，救度拔济一切众生，无有休息。我今哀求，必赐加被。

伏念(某甲)夙生庆幸，得遇佛乘，**身苦尘缘**，**心多散乱** (若出家者改為) **身虽出家，心不染道**，愚痴邪见，诸根昏塞，内外经书，虽于习学，章句妙理，无所通晓，又恐福力浅薄，寿命不长，**徒得人身** (若出家者改為) **徒入空门**，虚生浪死。我今洗心泣血，稽颡投诚，终日竟夜，存想圣容，受持圣号，礼拜圣像。惟愿菩萨，天耳闻声，悲心救苦，怜愍加被，放大神光，照我身心，倾大甘露，灌我顶门。荡涤累世怨愆，洗洁千生罪垢。身心清净，魔障消除。昼夜之间，坐卧之中，观见菩萨，放大神光，开我慧性，使我(某甲)，即时神通朗发，



智慧聪明。一切经书，自然记忆。一切义理，自然通晓。得大辩才，得大智慧，得大寿命，得大安乐。参禅学道，无诸魔障，悟无生忍。世世生生，行菩萨道。四恩总报，三有齐资。法界众生，同圆种智。

## 回向偈

(一遍)

诵经功德殊胜行 无边胜福皆回向  
普愿沉溺诸有情 速往无量光佛刹  
十方三世一切佛 一切菩萨摩诃萨  
摩诃般若波罗蜜

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

## 三皈依

(一遍)

自皈依佛，当愿众生，体解大道，发无上心；自皈依法，当愿众生，深入经藏，智慧如海；自皈依僧，当愿众生，统理大众，一切无碍。和南圣众。



此咒置经书中可灭误跨之罪



## 不空羼索神咒心经后序

不空羼索神咒<sup>58</sup>心经者，斯盖三际种智之格言，十地证真之极趣也。裂四魔之偏<sup>59</sup>罟、折六师之邪幢、运诸子之安车、诣道场之夷路者，何莫由斯之道也，况乃剿<sup>60</sup>当累歼宿殃、清众瘼怀庶福者乎？是以印度诸国，咸称如意神珠，谅有之矣。题称不空等者，别众经之殊号也。至如擲羼取兽，时或索空，兹教动桴<sup>61</sup>，罔不玄会，故受斯目也。运极无方曰神，惊<sup>62</sup>救群物称咒，名色所依号心。虽复乘开一五，藏启二三，其能应通动植，丝纶法界者，咸用取则兹旨，归往斯诰也。是故经云：“此身如城，心王处中。”又至功离相，妙极殊方，有类于心故，应兹称也。是以经云：“如众生心识，体虽是有，而无长短方圆等相。”斯故<sup>63</sup>群藉之中心，无相之妙极者也。然此神典，北印度国沙门阁那崛多，已译于隋纪。于时宝历<sup>64</sup>创基，传匠盖寡，致令所归神像、能

<sup>58</sup> 大正藏：神咒；永乐北藏及龙藏：不空羼索神咒

<sup>59</sup> 大正藏：便

<sup>60</sup> 大正藏：剿

<sup>61</sup> 大正藏：桴

<sup>62</sup> 大正藏：警

<sup>63</sup> 大正藏：斯；永乐北藏及龙藏：斯故

<sup>64</sup> 大正藏：历

归行仪，并咒体能俱存梵语，遂使受持之者，疲于用功，浑肴莫晰。惟今三藏玄奘法师，奉诏心殷，为物情切，爰以皇唐显庆二<sup>65</sup>年五月旦日<sup>66</sup>，于大慈恩寺弘法苑，重更敷译，庶诸鉴徒，悟夷险之殊径矣。

---

<sup>65</sup> 大正藏：四

<sup>66</sup> 大正藏：五月日；永乐北藏及龙藏：五月旦日



南无护法韦驮尊天菩萨

